



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Sacrum Misericordiae Palativm**

Variis Sacrae-Scripturae Locis, Atque Septem misericordiae operibus quasi  
peristromatibus exornatum

**Gazaeus, Nicolaus**

**Augustae Trevirorum, 1618**

Qva Via Pivs Visitator, Ægrotvm De Salvte Sva Diffidentem & dubium de  
Misericordia Dei solabitur. Capvt XLIX.

[urn:nbn:de:hbz:466:1-54459](https://nbn-resolving.org/urn:nbn:de:hbz:466:1-54459)

QVA VIA PIVS VISI-  
TATOR, ÆGROTVM DE SA-  
LVTE SVA DIFFIDENTEM  
& dubium de Misericordia Dei  
solabitur.

CAPVT XLIX.

**A**Duertistis ( vt reor ) Inimici cautelas,  
& technas, quib<sup>9</sup> ægrotū aggreditur,  
& in desperationis abyssum pertrahere ni-  
titur, ideoq; necessarium est, vt visitator pi<sup>9</sup>  
in sua visitatione infirmū exhortetur qua-  
tenus viriliter & strenuè, aduersus tanti ini-  
mici impetum se muniat, ne fortè in diffi-  
dentiam labatur, quæ è diametro Miseri-  
cordiam impugnat, sine quâ saluari nequit.  
Quemadmodum autem dum virum aliquē  
rapidum torrētem pertranscuntē cernim<sup>9</sup>,  
in quō penè periclitatur, non eum horta-  
mur vt caput immergat aquis, sed magis vt  
illud sursum ferat; ita dum peccatorem ob  
sua peccata in profundum pelagi despera-  
tionis demergi conspici<sup>9</sup>, non eū tunc de-  
ferere, sed magis ac magis cohortari conue-  
nit,

nit, vt omnes suos cogitatus sursum ponat, deprecans diuinam clementiam, vt in ultimo vitæ articulo tam periculosa non subijciatur tentationi. Quod vt melius fiat, ostendat visitator, Iudam grauius Deum offendisse desperando, quam illum Iudeis vel prodendo, vel vendendo. Enormitatem insuper huius peccati declara, quo nullum grauius, neque detestabilius est, siquidem diuinam maximè oppugnat bonitatem. Ideoq; rectissime dixit Cœlestinus I. *Horremus fateor tanta impietatis aliquem inueniri vt de Dei bonitate desperet.* Ingere illius menti Deum plura sustinere, quam homo possit in illum perpetrare. Illius siquidem infinita misericordia est, quæ nullis cingitur terminis, nec coarctatur angustijs, quæque ita nostra superat flagitia, sicuti aquæ guttulam, excedunt & superant immensa maria. Ad hæc, summam Increatæ veritati desperatio parit iniuriam, cū illa, Misericordiam, omne scelus superare doceat; hæcque flagitia, diuinam excedere clementiam vereatur. Propone pietatem quæ erga Iudæos vsus est Christus. Maximum perpetrarant scelus, & nefandū crucifigendo filium Dei commiserant peccatum; attamen intueretur quomodo brachijs extensis, veniam sceleratis

apud Grat:c.  
26. q. 6. c. ag-  
nouimus.

ratis postulat, & diuinæ bonitatis viscera  
 pandi efflagitat! Ob oculos illius pone fi-  
 duciam & spem Dauidis, qui post adulteriū  
 & homicidium Misericordiæ Domini re-  
 cordatus decantabat: *latabor & exultabo in* *Psal 30.*  
*misericordia tua & c. quoniam respexisti hu-*  
*mitatem meam, saluasti de necessitatibus a-*  
*nimam meam: nec conclusisti me in manibus*  
*inimicorum meorum, & infra: Benedic anima*  
*mea Dominum, & noli obliuisci omnes retri-*  
*butiones eius, qui propitiatur omnibus iniqui-*  
*tatibus tuis qui sanat omnes infirmitates tuas:*  
*qui redimit de interitu vitam tuam qui coro-*  
*nat te in Misericordia & Miserationibus. &*  
*paulo post: Non in perpetuum irascetur, nec*  
*in aeternum comminabitur: Non secundum*  
*peccata nostra fecit nobis, neque secundum ini-*  
*quitates nostras retribuit nobis: quoniam se-*  
*cundum altitudinem cœli à terra corroborauit*  
*Misericordiam suam super timentes se. Quan-*  
*tum distat ortus ab occidente, longe fecit à no-*  
*bis iniquitates nostras, quomodo miseretur Pa-*  
*ter filiorum misertus est Dominus timentibus*  
*se, quoniam ipse cognouit figmentum nostrum:*  
*recordatus est quoniam puluis sumus homo fi-*  
*cut fœnum & c. Sustinet Dominus omnes qui*  
*corruunt, & erigit omnes elisos: oculi omnium*  
*in te sperant Domine. En quantam diuinæ*  
 boni-

bonitatis fiduciam habebat Rex ille sanctissimus. Alexander Macedo quantiscumque premeretur angustijs, nunquam desperabat: Et Christianus ab illo se superari patietur?

*Proverb. 24.*

Salomonis aduertat sententiam: *Si desperaueris, lapsus in die angustia, minuetur fortitudo tuâ.* Quod si post hæc adhibita auxilia, iterum infirmus de salute videatur dubius, consulto visitator dicere poterit, se peccata illius assumere, dummodo verè contritus sit; quæ res (vt exemplo patet) remedium maximum adfert. Nam cum Eremita quidam aduocatus esset vt infirmum de salute desperantem ob grauiâ scelera quæ patrarat, solaretur: ei tantam esse confessionis vim indicauit, vt omnes omnino prauas actiones obliterare possit. Quo iterum dubitante, prudenter subiunxit: Ecce omnia bona quæ toto vitæ meæ tempore cum Dei gratia operatus sum, tuæ committo curæ, tu è contra omnia tuâ scelera meis impone humeris, vt pro illis satisfaciam.

*Crescit in horto volupt.*

Quo annuente, dixit: Expedit modo vt illa tua peccata mihi pandas, quatenus penitentiam illis debitam subeam, ne pro illis in iudicij die plectar: Quod cum egisset ægrotus, inquisiuit Pater, doleretne ex animo tanta se contra Deum flagitia perpetrasse,

trasse, quo annuente : Vis Sacramentalem hanc esse confessionem? quo dicente volo: Amodo ( inquit ) nec mihi nec tibi verendum est, nam omne periculum superasti, & peccata tua dimissa sunt tibi, ex Misericordia Patris & filij & Spiritus Sancti. Post mortem Sancto viro apparuit, ei gratias agens, quod eum hac arte, à desperationis vinculis absoluerat.

Denique, consultum erit, vbi desperationis imminet periculum sacrosanctum Domini corpus adferre, quia per eius præsentiam plerique è desperationis labyrintho educti sunt. Vt patet in Religioso quodam, qui (vt refert Crepetius) in articulo mortis recordatus, se in diuinis persoluendis officijs maximè fuisse tepidum, in desperationem lapsus se damnatum exclamabat. Cuius miserie cum assistentes compaterentur, deficientibus humanis medijs, corpus Dominicum adferri iubent, ad cuius aduentum, hostes fugam capescentes, infirmus sanæ menti redditus, cōfessus & Contritus Christum in sacramento adorauit, & illi animam suam commendans expirauit. Hæc  
sufficiant.

*Lib. de odio  
Sathan.*

QVOD